

# TIODIN Tablet 250mg

Ticlopidine hydrochloride

Risalah Maklumat Ubat Pengguna

**Baca seluruh risalah ini sebelum anda mula ambil ubat ini.**

- Simpan risalah ini. Anda mungkin perlu membacanya lagi.
- Sekiranya anda perlu maklumat lanjut, sila rujuk doktor atau ahli farmasi anda.
- Ubat ini dipreskripsikan kepada anda. Jangan berikan kepada orang lain. Ini mungkin membahayakan kesihatan mereka walaupun tanda-tandanya adalah sama dengan anda.
- Sekiranya kesan sampingan menjadi serius, atau anda perhatikan sebarang kesan sampingan yang tidak disenaraikan dalam risalah ini, sila maklumkan doktor atau ahli farmasi anda.

## **APAKAH YANG ADA PADA RISALAH INI?**

1. Apakah Kegunaan Tiodin
2. Bagaimana Tiodin berfungsi
3. Sebelum mengambil Tiodin
4. Cara menggunakan Tiodin I
5. Kesan-kesan sampingan
6. Semasa menggunakan Tiodin
7. Cara penyimpanan Tiodin
8. Maklumat lanjut
9. Pemegang pendaftaran dan pengilang

### **1. APAKAH KEGUNAAN TIODIN**

Tiodin digunakan untuk mencegah pembekuan darah. Tiodin digunakan untuk pesakit yang mempunyai risiko tinggi untuk mengalami strok. Tiodin adalah untuk pesakit yang tidak boleh mengambil aspirin untuk pencegahan strok.

### **2. BAGAIMANA TIODIN BERFUNGSI**

Tiodin Tablet mengandungi bahan aktif ticlopidine hydrochloride.

Ticlopidine adalah dari kumpulan ubat yang dikenali sebagai 'penghalang agregasi platelet'. Ia berfungsi dengan mengurangkan kebolehan sel pembekuan darah (platelet) untuk melekat sesama sendiri dan pada dinding salur darah. Ini mengurangkan pembekuan darah di tempat yang tidak diinginkan seperti pada salur darah yang sempit.

### **3. SEBELUM MENGAMBIL TIODIN**

**Anda tidak boleh mengambil Tiodin sekiranya anda:**

- Pernah mengalami alahan terhadap bahan aktif ticlopidine, atau kepada bahan-bahan lain dalam Tiodin,
- Mempunyai masalah hati yang serius atau penyakit lain yang mengganggu fungsi hati,
- Sebarang masalah pendarahan aktif seperti ulser perut atau pendarahan di dalam kepala (endarahan intracranial)
- Mempunyai sebarang jenis penyakit darah seperti sel darah putih rendah, tiada sel darah putih atau sel platelet rendah,

*Dapatkan nasihat doktor sekiranya anda tidak pasti sama ada anda patut mengambil ubat ini.*

#### **Sebelum mula mengambil Tiodin:**

Beritahu doktor anda sekiranya anda mengalami alahan terhadap ubat-ubatan lain, makanan, bahan pengawet atau bahan pewarna.

Beritahu doktor anda sekiranya anda:

- Telah mengandung, beranggapan anda mengandung atau bercadang untuk mengandung,
- Sedang menyusu atau bercadang untuk mula menyusu bayi,
- Mempunyai masalah hati,
- Mempunyai masalah ginjal,
- Menjalani pembedahan atau mengalami sebarang kecederaan baru-baru ini.

#### **Jika mengambil ubat-ubat lain**

Maklumkan kepada doktor atau ahli farmasi sekiranya anda ada mengambil sebarang ubat lain, termasuk ubat-ubat yang didapatkan tanpa preskripsi.

Tiodin mungkin berinteraksi dengan sesetengah ubat termasuk ubat-ubat berikut:

- Ubat untuk merawat arthritis, sakit dan keradangan seperti Aspirin dan Ubat Anti-inflamasi Tanpa Steroid (NSAID),
- Ubat lain untuk menghalang pembekuan

darah seperti warfarin, dipyridamole atau clopidogrel,

- Ubat suntikan untuk menghalang pembekuan darah seperti heparin, enoxaparin, alteplase atau streptokinase,
- Theophylline, ubat untuk rawatan asma,
- Digoxin, ubat untuk rawatan kegagalan jantung,
- Antacid untuk gastric, yang mengandungi aluminium dan magnesium.

Tiodin mungkin akan mengganggu atau menjejaskan keberkesanan ubat-ubat ini. Anda mungkin memerlukan kuantiti ubat yang lain atau mengambil ubat lain. Doktor atau ahli farmasi anda mempunyai maklumat yang lebih terperinci mengenai ubat-ubat yang anda perlu berhati-hati atau dielakkan semasa anda mengambil Tiodin.

#### **Semasa Mengandung dan Menyusu Bayi**

Beritahu doktor anda sekiranya anda mengandung, beranggapan anda telah mengandung atau bercadang untuk mengandung.

Doktor anda akan membincang risiko dan faedah pengambilan Tiodin semasa mengandung dan menyusu.

### **4. CARA MENGGUNAKAN TIODIN**

Sentiasa ambil Tiodin sepertimana yang diarahkan oleh doktor atau ahli farmasi anda. Jika anda tidak pasti, tanya doktor atau ahli farmasi anda.

Arahan yang diberikan oleh doktor anda mungkin berlainan dengan risalah ini.

#### **Berapa banyak harus diambil**

Dos permulaan biasa adalah 1 biji tablet diambil 2 kali sehari bersama makanan.

#### **Bila perlu diambil**

Untuk kesan ubat yang terbaik, ambil Tiodin pada waktu yang sama setiap hari bersama makanan untuk mengurangkan ketidakelesaan perut.

# TIODIN Tablet 250mg

Ticlopidine hydrochloride

Risalah Maklumat Ubat Pengguna

## Berapa lama perlu diambil

Teruskan pengambilan ubat ini selagi anda diarahkan oleh doktor. Tiodin biasanya diambil untuk jangka panjang untuk mencegah kejadian strok.

## Jika terlupa mengambil

Ambil dos yang seterusnya pada masa yang ditetapkan. Jangan ambil dos berganda untuk menggantikan dos yang anda terlupa atau ambil lebih daripada 1 dos pada satu masa. Ini akan menyebabkan kesan sampingan yang tidak diinginkan.

## Jika mengambil berlebihan (terlebih dos)

Jika anda, atau sesiapa telah mengambil ubat ini secara berlebihan, anda hendaklah segera pergi ke Bahagian Rawatan Kecemasan Hospital terdekat atau maklumkan kepada doktor anda. Ini perlu dilakukan walaupun tiada sebarang tanda ketidakselesaian atau keracunan. Bawa bersama bungkusan atau baki ubat biji yang selebihnya dengan anda.

*Tanya doktor atau ahli farmasi anda, sekiranya anda mempunyai sebarang pertanyaan lanjut mengenai penggunaan ubat ini.*

## 5. SEMASA MENGGUNAKAN TIODIN

### Perkara yang perlu dilakukan

- Sentiasa ikut arahan doktor anda.
- Beritahu doktor anda dengan segera sekiranya anda perhatikan sebarang tanda yang luar biasa.
- Jika anda akan mula mengambil ubat baru, ingatkan doktor dan ahli farmasi bahawa anda sedang mengambil Tiodin.
- Beritahu doktor anda dengan segera sekiranya anda telah mengandung, atau bercadang untuk mengandung semasa mengambil Tiodin.
- Maklumkan kepada doktor, doktor gigi dan ahli farmasi yang merawat anda bahawa anda sedang mengambil Tiodin.
- Sekiranya anda bercadang untuk menjalani pembedahan yang memerlukan ubat bius, beritahu doktor atau doktor gigi anda bahawa anda sedang mengambil

Tiodin. Tiodin perlu dihentikan 10 hingga 14 hari sebelum pembedahan dijalankan.

- Jika anda memerlukan pembedahan yang lain, termasuk cabut gigi, beritahu doktor dan doktor gigi anda bahawa anda sedang mengambil Tiodin. Tiodin mungkin memanjangkan tempoh pendarahan pada sesetengah pesakit.
- Pastikan anda hadir ke temu janji doktor anda agar kemajuan anda dapat ditentukan. Anda mungkin perlu menjalani ujian darah sebelum dan selepas anda mula mengambil Tiodin.

### Perkara yang tidak boleh dilakukan

- Jangan berhenti mengambil Tiodin tanpa kebenaran doktor anda.
- Jangan ambil Tiodin untuk merawat masalah kesihatan yang lain tanpa diarahkan oleh doktor anda.
- Jangan beri ubat ini kepada orang lain, walaupun mereka mempunyai masalah kesihatan yang sama dengan anda.

### Perkara yang perlu diberi perhatian

Tiodin tidak akan mengganggu keupayaan anda untuk memandu atau menggunakan mesin.

## 6. KESAN-KESAN SAMPINGAN

Semua ubat mempunyai kesan sampingan. Tiodin mungkin menyebabkan kesan sampingan, yang tidak diinginkan tetapi, bukan setiap individu akan mengalaminya.

Beritahu doktor atau ahli farmasi anda sekiranya anda mengalami kesan-kesan sampingan yang merunsingkan anda seperti berikut:

- Gangguan gastro-usus (mual, muntah, cirit-birit, sakit perut)
- Ruam kulit dan kegatalan
- Peningkatan enzim hati
- Peningkatan paras kolesterol

*Senarai di atas adalah antara kesan-kesan sampingan umum ubat ini.*

Beritahu doktor segera atau pergi ke hospital terdekat sekiranya anda mengalami kesan-kesan sampingan berikut:

- Tanda-tanda pendarahan seperti berikut:
  - Lebih senang lebam atau berdarah daripada biasa,
  - Bintik biru-ungu di bawah kulit atau kuku,
  - Najis yang sangat gelap atau hitam.
- Tanda jangkitan seperti demam, menggigil, sakit tekak atau ulser mulut
- Reaksi alergi seperti:
  - Mengah (bunyi seperti bersiul semasa bernafas)
  - Kesukaran bernafas
  - Bengkak pada muka, bibir atau lidah
  - Ruam atau kegatalan (terutamanya melibatkan seluruh badan).

*Senarai di atas adalah antara kesan-kesan sampingan yang serius untuk ubat ini. Anda mungkin memerlukan perhatian perubatan segera atau hospitalisasi. Kesan-kesan sampingan ini jarang berlaku.*

**Beritahu doktor atau ahli farmasi anda sekiranya anda mengalami reaksi lain yang menyebabkan anda berasa tidak sihat. Kesan-kesan sampingan lain yang tidak disenaraikan mungkin juga akan dialami oleh sesetengah orang.**

## 7. SELEPAS MENGGUNAKAN TIODIN

### Penyimpanan

Simpan di tempat sejuk dan kering pada suhu 25 - 30°C. Simpan dalam bungkusan asal untuk melindungi daripada kepanasan kelembapan dan cahaya.

Jangan simpan Tiodin atau ubat-ubat lain di dalam tandas, berdekatan dengan sinki atau ditinggalkan di tepi tingkap atau di dalam kereta.

*Jauhi daripada kanak-kanak.*

### Pelupusan

Jangan guna Tiodin yang melebihi tarikh luput yang dicetak pada kotak atau strip. Jika anda diarahkan oleh doktor untuk

# TIODIN Tablet 250mg

Ticlopidine hydrochloride

*Risalah Maklumat Ubat Pengguna*

---

berhenti mengambil Tiodin atau ia telah melebihi tarikh luput, tanya ahli farmasi anda bagaimana untuk mengendalikan baki ubat tersebut.

---

## 8. MAKLUMAT LANJUT

---

### **Rupa dan kandungan Tiodin.**

Tiodin Tablet 250mg adalah tablet berwarna putih-kekuningan dan berbentuk bulat.

### **Bungkusan**

Tiodin didapati dalam pek strip blister 100 biji tablet sekotak.

### **Bahan kandungan**

Bahan aktif: Setiap Tiodin tablet mengandungi 250mg ticlopidine hydrochloride.

Bahan-bahan lain:

Povidone, titanium dioksida, polysorbate, magnesium stearate, hydroxypropyl cellulose, laktosa, sodium starch glycolate, tepung jagung dan talkum.

### **Nombor pendaftaran**

MAL20014331A

---

## 9. PEMEGANG PENDAFTARAN DAN PENGILANG

---

### **Pengilang:**

T.O. Pharma Co., Ltd.  
101, Ladprao, Bangkok  
Bangkok 10310, Thailand.

### **Pemegang Pendaftaran Produk:**

IMEKS Pharma Sdn. Bhd.  
No. 1 & 2, Jalan 6/33B,  
MWE Commercial Park,  
52000 Kuala Lumpur. Malaysia

Tarikh kemaskini: Ogos 2011